

“AS IMAXES DO PATRIMONIO”

BASES 9º CERTAME

A Asociación Cultural e Pedagóxica Ponte...nas ondas! convoca o 9º **CERTAME** coas bases seguintes:

1. O Certame terá dúas categorías:

- Na 1ª poderá participar o alumnado de Infantil e Primaria do sistema educativo galego. En Portugal participará o alumnado do Ensino Básico e Segundo Ciclo.
- Na 2ª poderá participar alumnado de Secundaria, Bacharelato e Ciclos Formativos do sistema educativo galego. En Portugal participarán os alumnos e alumnas do terceiro Ciclo en diante.

2. As fotografías deberán conter imaxes de calquera aspecto relacionado co Patrimonio Cultural Inmaterial e estar tomadas en datas anteriores a 1970.

3. Presentaranse dixitalizadas, coa maior resolución posible, en formato jpg ou png.

4. Cada imaxe acompañarase dun título e dun texto libre, onde se poderán detallar os datos básicos da foto, onde está tomada, quen aparecen nela, data aproximada na que foi feita e unha explicación do que se ve, relatando a relación desa imaxe co Patrimonio Cultural. O texto debe enviarse por separado en formato Word, OpenOffice ou na propia mensaxe de correo electrónico. Terá unha extensión máxima de 150 palabras na 1ª categoría e de 250 na 2ª categoría.

5. Cada participante só poderá achegar fotografías que sexan propiedade da súa familia sendo motivo de exclusión do certame a presentación de imaxes de fóra dese ámbito.

6. Cada centro educativo poderá participar coa cantidade de fotografías que desexe.

7. Fóra de concurso poderán participar enviando fotografías persoas e entidades que non pertencen aos sistemas educativos. O xurado valorará as súas achegas podendo facer mención daquelas imaxes que, ao seu xuízo, sexan salientables.

8. PODCAST: Tamén se pode participar no Certame enviando un podcast que faga referencia a unha das imaxes contempladas no apartado 2. Valorarase a descrición e a calidade técnica do audio e poderán incluírse voces de persoas testemuñas da imaxe. O podcast valórase independentemente.

9. O podcast terá unha duración máxima de 5 minutos e poderá conter música, entrevistas e calquera outro material que explique a foto á que acompaña e será enviado nun dos formatos habituais das plataformas (por exemplo, subido en Ivoox).

10. Un xurado formado por profesores, fotógrafos, etnógrafos e antropólogos de Galicia e do Norte de Portugal valorarán a calidade e o interese patrimonial das fotografías cos textos que se acompañen e os podcast recibidos e o seu valor como mostras do patrimonio inmaterial galego-portugués.

11. PREMIOS:

1ª Categoría:

- 1º premio: ordenador portátil para a familia remitente da fotografía gañadora
- 2º premio: unha tableta de 10"
- 3º premio: unha cámara fotográfica
- Podcast: unha tableta e un micro de botón

2ª Categoría:

- 1º premio: ordenador portátil para a familia remitente da fotografía gañadora
- 2º premio: unha tableta de 10"
- 3º premio: unha cámara fotográfica
- Podcast: unha tableta e un micro de botón
- Premio Especial: un obradoiro de radio e patrimonio para o alumnado que recibirá aquela escola que presente un traballo salientable no que se mesturen fotografías con outros medios de expresión e técnicas, ou mande o conxunto maior de fotografías que, cumprindo as bases, teñan grande relevancia polo seu contido. No caso de ser presentados varios proxectos, premiaranse os seis mellores.

12. O xurado valorará as imaxes, por esta orde, cos seguintes criterios:

- Que sexa reflexo dunha manifestación do PCI. A fotografía debe mostrar unha tradición ou expresión do patrimonio cultural.
- Que o texto ou podcast que acompaña á fotografía axude a entender o patrimonio que se mostra.
- Calidade da proposta visual que teña a propia fotografía ou calidade do podcast.

13. En caso de que, a xuízo do xurado, ningunha fotografía ou podcast acade a calidade requirida, poderá deixarse deserta algunha das categorías.

14. Unha vez asignados os premios e no caso de haber máis fotografías ou podcast que, ao xuízo do xurado, sexan merecedores de recoñecemento, poderán concedérselle accésits que recoñezan a valía deses traballos.

15. Os premios serán entregados nun acto público para o que é imprescindible a asistencia dos premiados para recibilo.

16. A participación no Certame supón a aceptación destas bases e a autorización para a difusión das fotografías e dos podcast remitidos.

17. O prazo de presentación das fotografías e dos podcasts comezará o día 15 de xaneiro de 2026 e rematará o 23 de xuño de 2026.

18. As fotos, textos e, no seu caso, a ligazón do podcast, enviaranse ao correo: certame@escolasnasondas.com, indicando:

- Nome do alumno/a, título do traballo, escola, nivel educativo, teléfono de contacto e correo electrónico do/a docente responsable.

19. Os resultados do Certame faranse públicos nas páxinas web de PNO! en setembro de 2026, e comunicaranse directamente aos gañadores ou gañadoras.

20. A decisión do xurado considerarase inapelable non podendo ser obxecto de ningunha reclamación. Calquera cuestión que, non estando contemplada nas bases, xurda ao longo do proceso, será resolta polo xurado.

21. Para calquera dúbida ou aclaración respecto a este Certame: ondas@pontenasondas.org